

Kalaallit Nunaanni Oqaasiliortut pillugit Inatsisartut inatsisissaannut nalunaarsuutit.

Nalunaarsuutit nalinginnaasut.

Oqaasiliortut sulinerannut maannakkut tunngaviuvoq "Kalaallit Nunaanni Oqaasiliortut pillugit Inatsisartut inatsisaat" (Ltl. nr. 4 1. april 1982-imeersoq).

Siunnersuut una kinguneqartussaangilaq Oqaasiliortut suliaasa allangortinneqarnerannik, naleqqussaanerinaagami ilaasortat ukiut suliffii pillugit aalajangersakkanik aammalu eqaannerulersitsisussaalluni allattoqarfiup oqaasiliortunik sullissiviusup inissinneqarnera eqqarsaatigalugu.

Kultureqarnermut atuartitaanermullu udvalgip Ilisimatusarfik pillugu Inatsisartut inatsisissaata aappasaanik oqaluuserineqarnissaanut (FM 1989/33) isumaliutissiisummini inassutigaa Oqaasiliortut pillugit Inatsisartut inatsisaata allangortinniarneqalernissaa, taamalu Ilisimatusarfik Oqaasiliortunut allattoqarfiujunnaassasoq, Oqaasiliortunulli allattoqarfimmik immikkut pilersitsisoqassasoq.

Siunnersuutikkut ugguuna periarfissaqalerpoq Naalakkersuisut allamat inissiinissamik aalajangersinnaannissaanut. Taama pisoqassapput tamatuma kingunerissavaattaag aningaasat allattoqarfeqarnermut atugassaataasut nuunneqarnissaat.

Siulersuinermut tunngasutigut Oqaasiliortut allatto-

garfianni suliassat maannakkut ingerlanneqarput akademikeritut suleqataasumit allattoqarnikkullu ikiortegarnissamik.

Siunissami allattoqarfimmi sularineqartassapput suliassat Oqaasiliortut aamma nunat agqi pillugit ataatsimiititat suliaannut tunngasut. Allattoqarfik maannakkut inissinneqarpoq Ilisimatusarfimmi, periarfissaasinnaasulli allat isumaliutigineqarput.

Tamanna pillugu allattoqarfimmi suliassat aningaasalersorneqarput Ilisimatusarfiup budgettiantut ilanngussatigut. Allattoqarfik Ilisimatusarfimmit allamut nuunneqarpat aningaasat atugassarititaasut taamatut nuunneqartussaassapputtaaq. Taamaattumik ilimagineqanngilaq siunnersuutip aningaasartuuteqarnerulernissamik kinguneqarumaarnissaa.

Aalajangersakkanut ataasiakkaanut nalunaarsuutit:

§ 1 pillugu: Allannguuteqanngilaq.

§ 2 pillugu: Oqaasiliortuni sulinerup allanngorartuunnginnissaa pissutigalugu ilaasortat qinigaaffiat aalajangerneqarpoq ukiunut sisamanut.

§ 3 pillugu: Kalaallit nunaanni nunat agqi pillugit ataatsimiititat aamma Oqaasiliortut ataatsimut allattoqarfeqarnissaat naatsorsuutigineqarpoq.

Naalakkersuisut pisussaatinneqarput Oqaasiliortut allattoqarfeqarnerat pillugu malittarisassat erseqqinnerusut aalajangersassagaat. Tassuuna pingaartumik eqqarsaatigineqarpoq Oqaasiliortut sumi allaffeqarnissaat.